




TAUSAGA 11



FAKASOLOGA O ULUTALA

VAEGA 1: KO AKOAKOGA E UIGA MO TE UIGA O TE ATUA

Ulutala 1: Amutia a tino kola e ma'tiva faka-te-agaga	5
Ulutala 2: Amutia a tino fanoanoa me ia latou ka fakamafana fanagina	6
Ulutala 3: Amutia a tino loto malalo	8
Ulutala 4: Amutia a tino kola e ma'nako ki te amiotonu	9
Ulutala 5: Amutia a tino kola e a'lofa ki nisi tino	11
Ulutala 6: Amutia a tino kola e loto `ma	12
Ulutala 7: Amutia a latou kola e fakatoka ne latou te filemu	13
Ulutala 8: Amutia a tino e logo'mae ona ko te Malo o te Atua	14

VAEGA 2: FAKAILOGA O TE MALO O TE ATUA

Ulutala 9: Te fuliga o vai ki uaina	16
Ulutala 10: Fakasaoloto mai i agaga masei	17
Ulutala 11: Fakatuakega mai te mate	19
Ulutala 12: Fagaiga o te Lima Afe o tino	20
Ulutala 13: Faka'leiga o masaki	21
Ulutala 14: Fakamagaloga o Agasala	23
Ulutala 15: Te malosai mai luga atu o te natula	24

VAEGA 3: TALA FAKATUSA E UIGA MO TE MALO O TE ATUA

Ulutala 16: Te olaga o tino o te Malo o te Atua	26
Ulutala 17: Te olaga tautua mo te Malo o te lagi	27
Ulutala 18: Alofa fakamoni ki te Atua	29
Ulutala 19: Filifili a te Malo o te Atua	31
Ulutala 20: Ko te olaga kausaki ki te Malo o te Atua	32

VAEGA 4: KO NIISI TALA FAKATUSA A IESU

Ulutala 21: Ko te olaga fakamagalo	33
Ulutala 22: Ko te olaga fou	35
Ulutala 23: Moli I te Tugamoli	36
Ulutala 24: Tagata Poto mo te tagata valea	38
Ulutala 25: Ko mouku mo saito	39

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. Amene.

Pese: Give me oil in my lamp

Talosaga:

Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, amene.

VAEGA 5: KO TE FANAU MAI, ULUMANUMALO IESU KI IELUSALEMA, MATE MO TE TOETU

Ulutala 26: Ko Ulumanumalo Iesu ki loto I Ielusalema	40
Ulutala 27: Ko te fakasatauloga o Iesu	41
Ulutala 28: Ko te toetu manumalo Iesu Keliso mai te mate	43
Ulutala 29: Ko te folafolaga kia Malia	44
Ulutala 30: Ko te folafolaga kia Iosefa	46
Ulutala 31: Ko te folafolaga ki tausi mamoe	48
Ulutala 32: Ko te fanau mai o Iesu	50
Ulutala 33: Ko Mealofa a tino poto mai te sopogala	51

VAEGA 6: KO ASO FAKAMANATU

Ulutala 34: Te aso o te Tala'lei	54
Ulutala 35: Te aso o Matua	55
Ulutala 36: Te aso o Tamana	57
Ulutala 37: Te aso o Talavou	59

TUSI AKOGA ASOTAPU MÔ TE TAUSAGA 11 **TUSI MÔ FAIAKOGA**

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamasani mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o agaga o fanau gasolo o 'tou Ekalesia kae maise 'tou Atufenua. Te faitu tãua e 'se ko te tauloto fua mai loto i te tusi tenei, kae ko te fakaaogaga o te Tusitapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosia e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaigina kae ke fakatauagina.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosisigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i faitu katoa tau te olaga; kae fakasilisili loa ko olotou olaga faka te agaga. A te talavou ka aoga malosia a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

vaka, kae ne seki fakatamala a Noa i ona tiute. E tena te tiute o sose tamana, a ia kote fakasino ala ko ia foki e fakamalosi I sose auala kite mea loa e mafai ne ia kote mea ko sose tino i lalo i tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa
Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana

Akoakoga:

Ko akoako mai nete muna ate Atua me ia taua tamana ko takitaki iloto i kaiga tela se tiute o koe kite fakamalosiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote loto te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

Mea fai a Tamaliki:

Kilokilo fakalei kite ata otou tamana
Tusi ki lalo a mea lei mo mea gali ne fai ne ia mo koe

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes

Talosaga:

Te Aliko, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

ULUTALA 37: TE ASO O TALAVOU

MANATU FAKAVAE - TAUTALI IA IESU

VAEGA 1: KO AKOAKOGA E UIGA MO TE MALO O TE ATUA

ULUTALA 1: AMUTIA A TINO KOLA E 'MATIVA FAKA TE AGAGA

Pogai: Ke akoako a tamaliki ke maina me i te mativa faka te agaga se fakailoga o te olaga o tino o te Malo o te Atua.

Tusi Faitau: Mataio 5:3

Fakatokāga mō Faia'koga:

Te mativa faka te agaga i te faitau tenei e fakauiga ki tino kola e fakapologa kae faka-fatauagina kae e kilo ki te Aliko mo se fesoasoani. (Salamo 9:18; 12:5; 34: 6; Iakopo 1:9; 2:5-6). Te mativa faka te agaga ko tino kola ko se amanaigina kae e se taulia i fenua mo fakapotopotoga kae e manako malosi ke amanaigina a latou, ke alofagia kae ke fakasaolotogina a latou mai i te tulaga masei ko oko a latou ki ei (Salamo 37:14; 40:17; 69:29-30, 32-33; Isaia 61:1). A tino mativa e fakauiga ki tino o te Atua kola ko fakamaseigina kae ko losi ki ei a mea se a nisi tino (Isaia 10:2). Te mativa faka te agaga e fakauiga ki tino kola ko fakapatonu ne latou a olotou olaga agasala kae e iloa ne latou a te seai se mea a latou e mafai o fai mo fakalei a latou vagana fua ko te fakamagaloga a te Atua.

Te uiga o te Malo o te Lagi e pau mo te Malo o te Atua, ako Mataio e fakaaoga ne ia te Malo o te Lagi ona a ia se tino Iutaia kae e tusi ki tino Iutaia kola e tapu ma taku ne latou te igoa o te Atua kae e mafai o taku ne latou te koga nofo o te Atua i te olotou talitonuga. Te Malo e fakauiga ki te pulega a te Atua tela e fakavae ki te alofa, amiotonu, faimeatonu mo te filemu (Loma 14:17).

Mea a'koga mo fakamāina ei a te mataupu:

- Se ata o tino kola e fakaaolofa olotou olaga ko tamaliki ke maina 'lei i te uiga o te mativa.
- Te ata o te fafine fakaaolofa i te itulau 142 o te feagaiga fou i te Tusitapu mua.

Fakatomuāga:

Tamaliki seā a te uiga o te pati mativa? Fakamatala mai aka.

Akoakōga:

A te fakaamutiaga a Iesu tenei e mô tino kola e iloa ne latou me ia latou e naunau mo te loto talitonu ke mau'mea a latou faka te agaga. Ko tino kola e salasala mo te loto fiafia ke ma'losi latou i te olaga iloa mo te mautinoa o te Atua. Ko latou kola e ma'nako ke iloa malosi ne latou a te Atua kae ke 'tupu ake latou i te olaga tautali mo te fakamaoni ki a ia. Konei a vae'ga tino kola ne fakaamutia ki ei a Iesu me ka fai mô latou a te malo o te lagi. Tamaliki e manakogina ko tatou ke fai mo tino e finafinai o ola mô te Atua i te olaga tautali mo te fakamaoni ki a ia, o 'sala ki tena malo mo te loto talitonu mo te mautinoa, e ola ei tatou ki te se gata mai e pela mo tena fakatokāga mo tino fakatuanaki katoa.

Mea fai a Tamaliki:

- Seā a te uiga o te ma'tiva faka te Agaga?
 - E maumea pefea a tatou faka te Agaga?
- Seā a te malo o te lagi?

Fuaiupu Tauloto: Mataio 5:3 "Amutia a latou kola e iloa ne latou ia latou e mativa faka te Agaga me e o latou a te malo o te lagi."

Pese: Seek ye first the Kingdom of God

Talosaga:

Fakafetai lasi te Atua mo tou alofa i au fakamanuiāga mo matou i tulaga kerekese o te olaga kola e maua faeloa ne matou, e talitonu matou me i sose mea 'lei e maua ne matou e pogai mai ia koe mo tou alofa. Kae maise ko te motou fakafetai mo au fakamanuaiāga faka te agaga e auala i tou Agaga Tapu mo te Fakaolataga ia Iesu Keliso, fakafetai. Amene.

ULUTALA 2: AMUTIA A TINO FANOANO ME IA LATOU KA FAKAMAFANAFANAGINA

Pogai: Ke fesoasoani ke iloa ne tamaliki me i fanoanoaga katoa e fakafeagai mo tatou ka mafai o fakamafanafanagina ia Iesu Keliso.

Kilokilo fakalei ki te ata o tou matua
Tusi ki lalo a mea gali kae lei ne fai ne ia mo koe
Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Aliko e tau o tavae-gina."

Pese: Fili mai te tusi pese

Talosaga:

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

ULUTALA 36: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t'aki ne ia taua fanau kite ola se gata mai.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te Tamana. Te tamana ko ia kote takitaki. Ese gata fua aia se takitaki tela e 'tau o 'taki ne ia ana fanau iluga I tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e 'taki ne ia taua fanau kite ola ese gatamai. Ite tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te fakasalaga tela kote lolo. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapotopotoga a fafine mo tulaga kesekese i te malo mo te olaga faka Tuvalu. Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisi ano Tuvalu. A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofo e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua ki a latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafiaga e fakasoko ki taupese mo koniseti i te po mo fakaala, fatele mo siva i te Aso Gafua.

Ko fakataua malosia a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tausiga, akoako, mo te putiputiake o tamaliki. Te tusaga faka-matua tena i loto i Tuvalu e se mafai o fakanafagina io me faka-tapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Fakatomuaga:

Fesili ki tamaliki taki tokotasi me se a a tena meaalofo ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosia (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Tusi Faitau: Mataio 5:4

Fakatokāga mō Faia’koga:

A tino i taimi o Iesu e fanoanoa ona ko uiga penei: fakapologa, masei, fapito, fakaalofa, se alofa kola e fai ne tino pule, maluga, maumea ki a latou. A tino amiotonu e fanoanoa ona me muna maseigina, e losi ki ei a mea masei, me ko se taulia i te koga e nofo i ei, me logomae i faiga se tonu kola ko fai ki a latou. A tino amiotonu e fakamoemoe loa ki te Atua ke fakasaoloto a latou mai pokotia konei

Tiga loa me se fakaasi i te faitau tenei me kooi e maua i ei te fakamafanafanaga, ka ko Iesu e faka-autu katoa ana akoakoga ki te Atua tela ka aumai ne ia te fakamafanafanaga ki tino fanoanoa katoa.

Mea a’koga mo fakamāina ei a te mataupu:

Se ata o Iopu i te puapuga ne oko ki tena olaga?

Fakatomuāga:

Tamaliki, neā a mea a tino e fai saale mafai ko mate se tino i te lotou kaiga?

Akoakōga:

E isi faeloa ne tulaga o fanoanoaga e fakafeagai mo tatou i `tou olaga tenei kae maise ko tulaga o tino mate i `tou kaiga. A tatou e `tau o kau-fakatasi mo tino kola e fanoanoa e pela e iloa mo akoakoga a Iesu ne fai mai, kae i sose tulaga o fanoanoaga e oko tatou ki ei, ke masaua faeloa ne tatou me ko Iesu fua e maua i ei ne tatou a te fakamafanafanaga tonu tela e malosia kae e tumau foki a tena mafanafana. Tamaliki, kafai e talia ne tatou a Iesu ke pule kae fakatakitaki ne ia a `tou olaga, ka lagona faeloa ne tatou a tena fakamafanafanaga gali i taimi o fakalavelave e fakafeagai mo tatou.

Mea fai a Tamaliki:

- Neā a vae’ga fanoanoaga e fakafeagai saale mo tatou i `tou olaga?
- E fakamafanafana pefea ne tatou a `tou taina mo tuagaene kola e fanoanoa?

Ko oi e mafai o mau ne tatou i ei a te fakamafanafanāga tonu?

Fuaiupu Tauloto: Mataio 5:4 "Amutia a latou kola e fanoa'noa, me e fakamafanafanagina latou."

Pese: It`s beginning to rain, rain hear the voice of the Father.....

Talosaga:

Iesu fesoasoani mai ko te mea ke fanoanoa fakatasi matou mo omotou taina mo tuagaene i olotou fanoanoaga i te olaga tenei. Amene.

ULUTALA 3: Amutia a tino loto malalo

Pogai: Ke fesoasoani ki tamaliki ke maina me i te loto malalo se uiga o te olaga tautali ki a Iesu.

Tusi Faitau: Mataio 5:5

Fakatokāga mô Faia'koga:

A te uiga o te loto malalo i te Lauga a Iesu ko te manatu mafa mo nisi, agamalu kae e se ko tona uiga me matakū. I te Feagaiga Mua a Mose ko toe tino loto malalo i te lalolagi (Nume.12:3), ka ko Iesu fua ne toe lavea i ei te ata tela ne lavea i a Mose kae ko sili sala kese foki loa a tona loto malalo. A te malosi o tino loto malalo tonu e auāla mai i te alofa kae se ko te matakū me iloa ne latou i te Atua e kau i a latou.

Te lua o vaega o te faitau tenei, "Amutia a latou kola e loto malalo, *me fai mo latou a folafolaga a te Atua.*" E faigata o maua se fakamatala manino mo te vaega tenei i tou Tusi Tapu ona me kese mo Tusi Tapu Eleni tela ne fuli mai i ei a Tusi Tapu katoa. E penei a muna i te Tusi Tapu Eleni ma fuli mai ki tou gana, "Amutia a latou e fanoanoa, *me fai mo latou a te fenua/lalolagi.*" A folafolaga a te Atua e uke, e tena te mea e se manino ei te vaega tena.

E lua a talitonuga o Isalaelu e uiga mo tautoga / folafolaga a te Atua e uiga mo te Malo. Te vaega muamua, ko te fakamoemoega me i te Atua ka fakatu tena malo i te lalolagi nei (Galuega I: 6e) a ko Isalaelu ka fai mo kogaloto o te malo tena. Te lua, me i tino e olo tonu loa ki te lagi (ma mate) e pela mo Enoka (Kenese 5: 24) mo Elia (2Tupu 2: 11) ne ave olaga ki te lagi. Mai i talitonuga konei o Isalaelu e fakaautu ki ei a manatu o te faitau e 3 mo te 5.

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso taumua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosī

Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai te tusi pese

Talosaga: Te Atua Tafasili i te Malosi, fakafetai mo olaga o au tav-iniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 35: TE ASO O MATUA

Pogai: Fakamatala ki tamaliki ke maina lei i te Aso o Matua e fakama- sauā i ei a tusaga lasi kola e fai ne matua mo latou, mo te kaiga e pela foki mo tulaga kesekeese o te olaga.

Tusi Faitau: Fataoto 31:10-31

Fakatokaga mo Faiakoga:

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliki o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fialia matou o `sala faeloa ki a koe i omotou olaga, kae maise, ke fialia foki matou o `ōla mō koe. Amene.

ULUTALA 34: TE ASO OTE TALA `LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

Fakatokaga mo Faiakoga:

Te Aso Fialia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

Te aso fialia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga:

Fesili ki tamaliki me kaia e se fialia ei a latou ki lotu mo te akoga i Aso Tapu?

Mea a'koga mo fakamāina ei a te mataupu:

- Te ata o Iesu i te fanauga i te fale fagai manu. Te ata o Iesu e mulumulu ne ia a vae o ona taugasoa.

Fakatomuāga:

Tamaliki, seā a te uiga o te pati tenei ko te loto malalo?

Akoakōga:

I loto i te olaga o Iesu mo ana akoakoga ne akoako mai, e uke kii loa ana akoakoga e uiga mo te loto malalo. I tena vau ki te lalolagi nei, a ia ne vau i se auala o te loto malalo. I tena olaga fakaasi, ne ola a ia i se olaga loto malalo ke oko eiloa ki tena mate, se tioa foki la o lauga ne ia i tena lauga takutakua tenei ki te vaitino tokouke. Tamaliki, a te loto malalo se uiga e gali tela e manako mai a te Atua ke ola ne tatou, e `se ko te fia poto, fia sili mo te fakamaualuga, kae ko te alofa mo te loto malalo e manako mai a ia ke ola tatou i ei e vikia ei ne tatou a tena igoa.

Mea fai a Tamaliki:

- Kaiā ne mulumulu ei ne Iesu a vae o ona soko?
- Kaiā ne fanau mai ei a Iesu i loto i te fale o manu kae `se i te fakai-masaki?

E mafai pefea ne tatou o fakaasi i `tou olaga a te uiga tenei ko te loto malalo?

Fuaiupu Tauloto: Mataio 5:5 "Amutia a latou kola e loto malalo, me fai ma latou a folafolaga a te Atua."

Pese: Praise Him, praise Him, praise Him in the morning praise Him in the noon time.....

Talosaga:

Iesu fesoasoani mai ke maua ne matou a te loto malalo ko te mea ke nofo fealofani matou i te lalolagi nei. Amene.

ULUTALA 4: Amutia a tino kola e ma'nako ki te amiotonu

Pogai: Ke fesoasoani ki tamaliki ke iloa ne latou me i te manako malosia o fai a te amiotonu a te Atua se uiga fakaasi o te olaga fia tautali ki a

Iesu.

Tusi Faitau: Mataio 5:6

Fakatokāga mô Faia'koga:

Te fia kai kae fia inu ki te amiotonu e fakauiga ki a latou kola ko oko loa te manako ki se mafutaga tela e kau fakatasi ei a latou mo te Atua i se tulaga tela e pili malosī ei a latou ki a ia (Mataio 6: 33). E fakauiga foki ki a latou kola e ola mo te fakamoemoe ki te oko vave mai o te Malo o te Atua mo te fakatuga o te meatonu. Ona ko te fakamoemoega o latou konei, ko tuku katoa ei a olotou ola o fai te loto o te Atua.

Mea a'koga mo fakamāina ei a te mataupu:

- Te ata o Tanielu i te peiga ki te lua leona
- Te ata o Iosefa i te fakaososoga ne te avaga o te Tupu

Fakatomuāga:

Kaiā e manakogina ei ko tatou tino talitōnu ki te Atua ke fai ne tatou a te amiotonu?

Akoakōga:

I te vaega tenei o te lauga, ko fakamaina ne Iesu me i te fai o te amiotonu se uiga fakaasi o te olaga fai mo soko o ia. A tino tali'tonu kae tau'tali ki a Iesu e 'tau o fia'fia o fai a te amiotonu auā me i te Atua se Atua fai meatonu. A te amiotonu ko te fai o te mea tela e tonu, e 'lei kae fiafia foki ki ei a te Atua, ko tena uiga ko te fai ne tatou a te finagalo io me ko te loto o te Atua. A tino la kola e 'sala ke fai ne latou a te loto o te Atua i olotou olaga, kona a tino kola e fia 'kai tonu kae fia inu tonu ki te amiotonu. A latou ka mako'na i te faitau o te muna a te Atua mo te fesoasoani mai o te Agaga Tapu o te Atua ki a latou i aso katoa olotou olaga. Tamaliki, ke fia'fia tatou o 'sala kae o fai a te finagalo o te Atua i 'tou olaga e manuia ei tatou.

Mea fai a Tamaliki:

- Seā a te uiga o te pati tenei amiotonu?
 - E fia 'kai kae fia inu pefea tatou i te amiotonu?
- E ma'kona pefea tatou manafai ko fia 'kai kae fia inu tatou i te amiotonu?

Fuaiupu Tauloto: Mataio 5:6 "Amutia a latou kola e fia 'kai kae fiainu

tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifiligina sale faeloa latou ke ola o fai-pati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

Mea a'koga mo fakamāina ei a te mataupu:

- Ata #57
- Niisi ata mafai e isi

Fakatomuaga:

Kaiā e ave saale ei a meaalofa a tino ki pepe io me ko taimi o asofanau?

Akoakoga:

A tagata poto konei mai i te sopoga'la ne faimalaga mai o 'sala, o faimeaalofa kae o tapuaki ki te Alikī, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Alikī. E 'pau e iloa mo tatou i aso nei, e lavea ne tatou a tino e fai meaalofa saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofa tena a te Atua te Tamana mô tatou tino katoa, ne tuku mai tena ola ke mate a ia mô 'tou agasala ke fakamalogina. Seā la nei a 'tou tali ka tali atu ki te alofa o Iesu mo tena Tamana? Tamaliki, ke tuku atu foki a 'tou ola mo 'tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Mea fai a tamaliki:

- 'Kala a te ata #57
- Faifesili ki fesili e autu tonu loa mo te 'tala a tatou i te taeao nei.

Pese: Tuku tau Meaalofa mo te Alikī....

Fakatokāga mô Faia'koga:

Peteleema (te Fale o Falaoa) se fakai foliki tela e lima maila ki te feitu ki Saute o Ielusalem, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fanau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko 'te tupu o tino Iutaia' i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalem ma tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C.-A.D.39) tela ne feagai mo Ioane te Papapato mo Iesu (Mata.14:1-12; Male.6: 14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena taina ko Helotia tela e ma-tua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papapato ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino fakataulaitu; kae i a Mataio (2:1) e fai mene aumai mai te Sopoga-la kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakatea me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu ite Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a

i te amiotonu, me makona latou.”

Pese: Jesus is the way the truth and the life...io me fili i te tusi pese

Talosaga:

Iesu fesoasoani mai ke fiafia matou o fai a te amiotonu i omotou olaga auã me ia koe e amiotonu. Fakamalosi mai ke ola matou i se olaga fai meatonu i aso katoa e ola ei matou, ona ko koe Iesu te motou Aliko Fakaola, Amene.

ULUTALA 5: AMUTIA A TINO KOLA E A'LOFA KI NISI TINO

Pogai: Ke akoako a tamaliki ke fakataua'lofa a latou ki nisi tamaliki mo tino katoa.

Tusi Faitau: Mataio 5:7

Fakatokāga mô Faia'koga:

Te muna *alofa atu* ne fuli mai i te muna palagi *mercy* (Greek – eleemones) tela e fakauiga ki te *alofa ki nisi tino*. Te manatu fakavae o te *alofa ki nisi* ko te alofa fakamagalo. Te alofa fakamagalo ko te kogaloto o te galuega fakaola a te Atua e auala i a Iesu. Te tau e maua nete tino tela e alofa fakamagalo io me fakamagalo ne ia a tino kola e 'se mai ki a ia, ka fakamalogina a ia (Mataio 18: 21-35).

Te alofa fakamagalo o te Atua ne lavea fakalei loa i a Iesu tela ne fakamagalo ne ia a tino kola ne fakasataulo ne latou a ia (Luka.23:34) kae maise loa ko te fakamalogina o so se tino tela e salamo tonu kae fakatuanaki ki a ia (Mata.4:17e; Ioa.3:16).

Mea a'koga mo fakamāina ei a te mataupu:

Te ata o Iesu i tena matega i luga i te sataulo

Fakatomuāga:

Tamaliki kooi 'tou fakaola? Neã a mea ne fakafeagai mo ia i tena olaga? E tonu me ne fakamagalo ne ia a 'tou agasala?

Akoakōga:

Te alofa fakamagalo o te Atua tela ne aumai ki a tatou ne Iesu, e fakamalogina i ei a sose tino e salamô kae loto fakamagalo foki. E tena

te pogai ne faka amutia ei ne Iesu a tino kola e 'alofa atu' io me loto o fakamagalo atu me ka maua ne latou te fakamagalogina a te Atua.

Mea fai a Tamaliki:

- Tusi ki lalo a mea katoa ne fai ne Iesu e iloa ne latou. Lomi ata kae 'kala fakagaligali

Fuaiupu Tauloto: Mataio 5:7 "Amutia a latou kola e a'lofa atu, me a'lofagina latou."

Pese: Jesus loves me this I know.....io me fili i te tusi pese

Talosaga:

Iesu fakafetai mo tou alofa tauanoa ko lavea ne matou i aso katoa o motou olaga i au fakatokatokaga i aso takitasi. Amene.

ULUTALA 6: AMUTIA A TINO KOLA E LOTO 'MA

Pogai: Ke fesoasoani ki tamaliki ke maina me i te loto 'ma se uiga o te olaga tautali i a Iesu.

Tusi Faitau: Mataio 5:8

Fakatokāga mo Faia'koga

A te uiga o te "loto ma" i te lauga a Iesu e fakauiga ki a latou kola e tau-mafai o fai te loto o te Atua. Te fakataunuga o te manakoga tena e fakavae ki te fakalogo ki te Atua mo tena fakamoemoega me ka lavea ne ia a te Atua. E fetai tonu a te manatu tenei mo akoakoga a Iesu tela e fakamalosi ne ia a te olaga tela e fakavae mai i te lei o te loto (Luka 6:45; Mataio 12:33-35 mo te Salamo 24:3-6).

I te Feagaiga Mua a te loto ma e uiga tasi mo te fakalogo ki te Atua i lo te fai o taulaga (1Samuelu 15:22; Isaia 1:10-17; Ielemia 7:3-7). I te Feagaiga Fou a te 'loto ma' tela e tonu kae e se fakalotoloto-lua i mua o te Atua ko te fakatuanaki tena ki te Atua (Mataio 14:31). A Paulo e akoako ne ia me i te loto ma (Filipi 2: 15) e tau o fakaaoga i tou kilo ki fafine (Mataio 5:8) ki tupe (Mataio 6:21-22) pela foki mo muna kola e faipati ne tatou (Mataio 5:37).

Fakatomuaga: Kai isi aka loa se tamaliki i Tuvalu nei ne fanau i loto i se pamoā, pa-taki io me se saipuaka?

Akoakoga:

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tausi ei a manu pela mo pulumakau mo kouti mo mamoe, ona me ko seai se avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maulalo kae se ko te fiamaluga mo te fiasili. Tela la, ke fakaakoako tatou ki te Aliko ke ola tatou i se olaga loto maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamāina ei a te tala o te taeao nei.

Pese: "Ko fanau mai te pepe...."

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua."

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finagalo. Amene.

ULUTALA 33: KO MEALOFA A TINO POTO MAI I TE SOPOGALA.

Pogai: Ke fakamaina ki tamaliki, me i te fai meaalofa ki te pepe ko Iesu, se faifaiga e fakamalosi ne ia a te fai mealofa o tatou ki te Atua.

Tusi Faitau: Mataio 2:1-12

Pogai: Ke akoako a tamaliki ke māina i te `tala o te fanau mai o Iesu.

Tusi Faitau: Luka 2:1-7

Fakatokāga mô Faia’koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). “ ... fakamoe i te tali fagai manu, me ko seai se koga mo latou i te faletalimalo” te ata o te tavini loto malalo kae `e se kai filifili’ me seai i a ia te loto fia sili kae ko te loto alofa mo tino Katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki e iloa ne fanau iei a Malia. Ko te fakataunuga o te valoaga nefai ne te pelofeta ko Mika 5:2 Muna ate Aliko “Peteleema Efalata, a koe se fakai e tasi mai fakai foliki e iloa o Iuta, kae ka avaka ne au mai i a koe se pule mo Isalaelu, ko tena gafa e vau mai aso mua e iloa.” I te okomaiga ki Peteleema, ko fonu te fale talimalo, kae ko seai se koga

Mea a’koga mo fakamāina ei a te mataupu:

Ata #54

Mea a’koga mo fakamāina ei a te mataupu:

Te ata o tamaliki mo Iesu, ata #76.

Fakatomuaga:

Seâ a te uiga o te pati loto `ma?

Akoakoga:

Te akoakoga a Iesu i te vaega tenei o tena lauga e fakamalosi i ei a te fai o te loto o te Atua e pela mo te fakalogo ki a ia, kae fai te mea e loto a ia ki ei i `tou olaga katoa. Ke fiafia foki a tatou o tausī a tou manakoga, mo tou faiga ke oko ki tou muna e fai ke ma. I loto i te fakatanaki tena ka lavea ei ne koe a te Atua i tou olaga ma tena.

Mea fai a tamaliki

Fakakoniseti te tala o Iesu mo tamaliki kae taofi ne soko o Iesu a tamaliki....

Fuaiupu Tauloto: Mataio 5:8 “Amutia a latou kola e loto `ma, me e lavea ne latou a te Atua.”

Pese: Sweep over my soul, sweep over my soul..io me fili i te tusi pese

Talosaga: Iesu fakama omotou loto ko te mea ke lata faeloa koe ki ei. Amene.

ULUTALA 7: AMUTIA A TINO KOLA E FAKATOKA NE LATOU TE FILEMU

Pogai: Ke fakamaina ki tamaliki me i te fakatupu te filemu se uiga o te Malo pela foki mo te olaga tautali i a Iesu.

Tusi Faitau: Mataio 5:9

Fakatokāga mô Faia’koga:

A te uiga o te “loto ma” i te lauga a Iesu e fakauiga ki a latou kola e tau-mafai o fai te loto o te Atua. Te fakataunuga o te manakoga tena e fakavae ki te fakalogo ki te Atua mo te fakamoemoega me ka lavea ne ia a te Atua. E fetau tonu a te manatu tenei mo akoakoga a Iesu tela e fakamalosi ne ia a te olaga tela e fakavae mai i te lei o te loto (Luka 6:

45; Mataio 12: 33-35 mo te Salamo 24: 3-6).

I te Feagaiga Mua a te loto ma e uiga tasi mo te fakalogo ki te Atua i lo te fai o taulaga (1Samuelu 15: 22; Isaia 1: 10-17; Ielemia 7: 3-7). I te Feagaiga Fou a te 'loto ma' tela e tonu kae e se fakalotoloto-lua i mua o te Atua ko te fakatuanaki tena ki te Atua (Mataio 14: 31). A Paulo e akoako ne ia me i te loto ma (Filipi 2: 15) e tau o fakaaoga i tou kilo ki fafine (Mataio 5: 8) ki tupe (Mataio 6: 21-22) pela foki mo muna kola e faipati ne tatou (Mataio 5: 37).

Mea a'koga mo fakamāina ei a te mataupu:

Te ata o Iesu

Fakatomuāga:

Kooi a te Pelenise o te Filemu? E maua ne tatou tamaliki o ola pela mo te Pelenise o te Filemu?

Akoakōga:

A te Malo o te Atua e alikigina ne Iesu te Pelenise o te Filemu tela la, ko a tino o te Malo ne tino e fakamalosi kae tausi ne latou te filemu i olotou uiga mo faiga. Te olaga tautali i a Iesu e fakamailoga ki te olaga filemu tela e fakatino i te lei o vasia mo tamana, matua, taina, tuagane mo tino katoa me kaiga io me se kaiga.

Mea fai a Tamaliki:

Tusi ki lalo me kai a e fai ei ne tatou me ia Iesu ko te Pelenise o te filemu?

Fuaiupu Tauloto: Mataio 5:9 "Amutia a latou kola e fakatupu te filemu, me taku latou ko tama a te Atua."

Pese: I got peace like a river, I got peace like a river..io me fili i te tusi pese

Talosaga:

Iesu fesoasoani mai ko te mea ke tautali atu matou kia koe me ko koe loa tokotasi e maua iei ne matou a te filemu. Amene.

ULUTALA 8: AMUTIA A TINO E LOGO'MAE ONA KO TE MALO O TE ATUA

Te agelu, ko te avefekau ate Atua. Ite mataupu silisili, a Iesu kote Fakaola, ko ia foki ko te Keliso, te Atua Fauu kae fakata- pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia i loto ite tali fagai manu.

Mea a'koga mo fakamāina ei a te mataupu:

Ata 55

Fakatomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne 'tupu, ne mea katoa e molimau mai ne latou a te 'kese mo te 'malu o te tamaliki tenei ka fanau mai. Ko 'kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne 'tupu i te taimi ne fanau mai ei a Iesu. A tausi mamoe kaati ne 'poi katoa kae matakou me sea la a te mainaga lasi tenei ko maina mai luga o latou. Ne 'poi foki me ko sae mai a te agelu o folafola mai a te Tala 'Lei ki a latou

Mea fai a tamaliki:

Kala a te Ata #54

Fai a fesili mo atili fakamaina ei a te tala o te taeao nei

Pese: "Ko fanau mai a te pepe"

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua"

Talosaga: Te Atua te motou Tamana alofa, fafetai mo te fakaasi mai ne koe se ata fakaakoako kia matou, ko te mea ke ola matou I te loto maulalo. Fesoasoani mai ke mafia ne matou o ola iloto I tou finagalo, Amene.

ULUTALA 32: KO TE FANAU MAI O IESU

Talosaga:

Fakafetai lasi te Atua alofa mo 'tou alofa tumau mo matou, kae maise ko te tuku mai ne koe o tau tama fagasele ke mate mo omotou aga-sala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

ULUTALA 31: KO TE FOLAFOLĀGA KI TAUSI MAMOE

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fa-kaola o te lalolagi.

Tusi Faitau: Luka 2:8-20

Fakatokaga mō Faia'koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua feitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea faka-fanoanoa ki te tausi mamoe.

A te uiga o te muna 'Agelu' i te gana Eleni se "faifekau". Te agelu ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Sala.91:11-12), e fakaaoga foki i nisi taimi ke fakaoko ne latou te fakamasinoga a te Atua (Mata.13:49-50).

Lesona:

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita.

Pogai: Ke fakamatala ki tamaliki me i logomaega o te olaga nei se vaega o te olaga tautali i a Iesu mo tena Malo.

Tusi Faitau: Mataio 5:10

Fakatokāga mō Faia'koga:

A te 'fakasauaga' e se fakauiga fua ki te 'ta ke mate' kae ko te olaga ko kosugina io me ko se saoloto ki avanoaga e pela mo te togiga o mea io me fakatau atu io me ko se fakau ki nisi avanoaga pena.

Te mea e fakatauagina i te faipatiga tenei a Iesu ko te "amiotonu." A te uiga o te amiotonu e aofia i ei a mea konei: Sa agasala, fai faeloa te mea tonu kae alofa ki tino mativa, kae ka tumau faeloa a tou manuia (Tanielu 4: 27). Toki te amiotonu kae tapuaki ki te Atua (Hosea 10: 12). Sa toe agasala kae fakatonu te mafaufau (1Kolinito 15: 34). Te amiotonu ko te olaga amio Atua e pela mo te fakatuanaki, te alofa, te kufaki, mo te loto malalo (1Timoteo 6: 11).

Ne fakaasi ne Iesu me i te taumafai a so se tino ke amiotonu e tuku fakasau ne ia a tona olaga ki fakasauaga. A ko te tau e pela mo fakaasi a Iesu ko te Malo io me ko te olaga pule ne Iesu.

Mea Akoga mo fakamina te mataupu:

Ata o tino kola ne fakapuapuagagina ona ko te Tala'lei manafai e isi

Fakatomuāga:

Kooi a te tamaliki e fia fano ki te malo o te Atua? A te malo o te Atua e manakogina a vaega tino pefea?

Akoakōga:

Te olaga tautali i a Iesu e tau o toka o fakafeagai mo fakasauaga kola ko auala atu ona ko te olaga tausi kae fai te amiotonu. E akoako mai foki ne Iesu ki a tatou i aso nei ke lifu kae fiafa a tatou ma pokotia a tou olaga ne faigata pena ona ka fai mo tatou a te Malo. E tenei o tasi o mea gali e tupu ki tino tausi te amiotonu tiga te fakasauagina ne ka fai mo latou te Malo o te Atua.

Mea fai a Tamaliki:

Fakakoniseti te tala o Setefano

Fuaiupu Tauloto: Mataio 5:10 "Amutia a latou kola e fakasauagina i te amiotonu, me e o latou a te Malo o te lagi."

Pese: Bind us together Lord, bind us together Lord...io me fili mai te tusi pese

Talosaga:

Iesu fesoasoani mai ko te mea ke loto lasi matou pela mo Setefano o tu mo koe ki te gataga o te motou ola. Amene.

VAEGA 2: FAKAILOGA O TE MALO O TE ATUA

ULUTALA 9: TE FULIGA O VAI KI UAINA

Pogai: Ke akoako a tamaliki me i galuega fakafoofogina a Iesu ko failoga katoa o te Malo o te Atua

Tusi Faitau: Ioane 2:1-10

Fakatokāga mō Faia’koga:

Iesu ne fai ne ia a galuega fakafoofogina/failoga e lavea i ei te malosi mo te mana o Iesu. E fakamatala ne Ioane me i te fuliga o te vai ki uaina ne Iesu i Kana i Kalilaia ko te failoga muamua loa tena ne fai ne Iesu.

Te faipoipoga se faigamea taua i te olaga faka-Iutaia kae e fai i loto i te fitu o aso. I taimi tena a tino kami e oko mai i aso taki tasi o kaufakatasi mo faiga fiafiaga ako te uaina ko te mainu e talimalo ki ei a tino kami katoa. A Iesu ne kami mo ona soko ki te faipoipoga tena i Kana tela e ko te fakai o Natanielu.

Te tali a Iesu ki tona matua, "*Toku matua, sea tau mea tena e taumafai o fai mai ki au, e seki oko ki toku taimi.*" A Iesu e seki fakaasi ne ia ne uiga e se ava io mese se fia fakalogo. Te fuliga o muna Eleni kona e mafai foki o fuli penei, "*E lei fua, sa fakamafa a tou mafaufau ki ei.*"

A te fuliga ne Iesu a te vai ke fai mo uaina se fakaasiga o tona malosi mo tena tulaga ako te fakatonuga a tena matua ki tavini se fakaasiga o tena loto talitonu ki tena tama.

Mea a’koga mo fakamāina ei a te mataupu:

Te ata o te tala i te tusi faitau

Fakatomuāga:

Tamaliki kafai e isi ne faigamea e fai kae poi atu te kaiga me ko palele a meakai mene mainu e mata e gali te faigamea na?

ite agaga tapu. E fa-kafoofogina te tulaga tenei, kae ne faigata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela

ne faigata iei o talia ne Iosefa, kae ne mafaufau ke mavae laua mo Malia. I taimi tonu e iloa tenei, ne oko mai iei te fakasiga ate Alikia kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne matakū, kae ne fakamalosiaina ne te agelu, kese matakū, me ko oti ne filifiligina aia mai i loto ite tokou-kega o fafine.

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalogologo ki te tala o te tamana o Iesu tela ko Iosefa.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fakaola ne ia a tino katoa mai i olotou agasala. E lua a akoakoga tāua e maua ne tatou i te tala o te taeao nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i 'tou olaga ke fai ne tatou ne tusaga tāua mō ia i te lalolagi nei, kae manakogina la iei ko tatou ke faka'logo ki ai

Mea fai a Tamaliki:

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei. Fakafesili ki tamaliki taki tokotasi me mata la nei seā a te finagalo o te Atua mō latou?

Pese: When the Saviour calls

Fuaiupu Tauloto: Mataio 1:20"Iosefa te mokopuna o Tavita, sa matakū o fai Malia mo fai tau av-aga, i te mea ko faitama i te Aga-ga Tapu".

Talosaga:

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou kia koe Iesu te fakaola o matou, kae ke ola matou o fai te mea tela e loto koe ki ei, Amene.

ULUTALA 30: KO TE FOLAFOLĀGA KI A IOSEFA

Pogai: Ke akaoako a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18–25

Fakatokāga mô Faia’koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga “tamafine” o Malia. A Malia ne talia ne ia te fekau a te Atua i tona talitonu i a ia se tavini a te Aliko (Luka.1:38). Ne fakafetaui ne Elisapeta a tena kaiga ko Malia ki muna faka-amutia penei: “Amutia koe i fafine katoa” (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te fanau mai o te Mesia kae ne ‘tao atu mo tena muna ki a Malia penei: “A tou fanoanoa ka fakatusa ki se pelu mata kai, ka suki ne ia a tou loto” (Luka.2:35).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama

Akoakōga:

I aso nei, ko oko loa te manakogia ke isi se aofaga mo fakatoka a tulaga faigata kola e faka-masiasi i ei a tou faigamea. I te tala tenei, a Iesu ne nofo tonu i te koga tonu i te taimi tonu tela ne seki masiasi ei te faigamea tenei me ko oti a uaina. Iesu e fakagata ne ia a mea kola e masiasi ei a tatou. Iesu e toe fakatoka fakalei ne ia a mea tupu fakafuasei i tou olaga. Sa puli, a Iesu e nofo faeloa i te koga i ou tafa i taimi tonu ma manako koe ki se fesoasoani.

Mea fai a Tamaliki:

Fakakoniseti te tala tenei

Fuaiupu Tauloto: 1 Petelu 5:7 “Fakaeke katoa ki luga ia ia a mea e manava’s e ei koutou, me e atafai atu e iloa kia koutou”

Pese: Amazing Grace.....io me fili mai te tusi pese!!!

Talosaga:

Iesu fakafetai mo te toe fakamasaua mai ne koe ia matou e se maua o tuku tiaki ne koe matou i taimi e puapuaga iei matou i te olaga nei. Amene.

ULUTALA 10: FAKASAOLOTO MAI I AGAGA MASEI

Pogai: Ke akaoako a tamaliki me i te fakasaoloto o sose tino tela e saisaitia ne agaga masei, se fakailoga tena o te ‘mana o te Malo o te Atua.

Tusi Faitau: Luka 8:26-33

Fakatokāga mô Faia’koga:

A te tala ki te fakasaolotoga o tino kola e saisaitia i te malosi o agaga masei se failoga e lavea i ei te malosi o Iesu te Aliko o te Malo. A agaga masei, temoni, pelesepulo, satani mo tiapolo e fakauiga katoa ki te fili masei io me ko agaga masei; ako te tino e ulufia ne agaga masei ko fai mo gutu io me se tukumuna a temoni. A koga tanu o tino mate i Palesitina ne ana i mauga io mene ‘ana faite’ (ko ana kola e kati i tafa o mauga). Te talitonuga masani o tatou e fai me i agaga masei e nofo i tanu, e tena foki te koga e nofo i ei a tino tela e ulufia ne agaga masei. A te muna ‘Lekeona’ ko te igoa o te vaega o te kautau a Loma tela e tusa mo te 6000 sotia kola e saele mo olotou

meatau; ko fakauiga i te tala tenei ki te 'tokouke'.

A tino Isalaelu e tapu ma kai ki puaka (Levitiko 11: 7) kae ne manu fagai a tino o fenua fakatea. A Kelasa se fakai foliki tela e lau ki fakai o tino o fenua fakatea.

Mea a'koga mo fakamāina ei a te mataupu:

Te ata o te tala i te tusi faitau

Fakatomuāga:

Tamaliki kai lavea ne koutou se tino ne ulufia ne agaga masei?

Akoakōga:

Ko oko loa te malosi o tino tenei e ulufia ne temoni 'tokouke' konei; ko se mafai ei ne tino o fakalata, se mafai ne filifili o saisai ke filemu, ko se mafai ne te mafaufau o fakatoka tena olaga kote mea ke pei ne ana gatu, ke nofo malie i fale, kae fanofano faeloa i te vao, me ko nofo mai lalo o te pulega a agaga masei.

Ko Iesu ne maua ne ia i ei te atamai, tela ko pei fakalei ana gatu, ko se pakalaga sale i te vao, kae ko nofo filemu i vae o Iesu. A tino o te fakai ne poi kae matakū i te laveaga ne latou te mea nei. Ne manako foki a ia ke fai mo soko o Iesu. Sa puli ko Iesu ko ia e avatu ne ia te tulaga lei ki tou olaga.

Mea fai a Tamaliki:

Fakakoniseti te tala i te tusi faitau

Fuaiupu Tauloto: Ioane 10:10b “..Au ne vau ko te mea ke maua ne latou te ola, kae ke maua malosi e iloa ne latou”

Pese: Amazing grace....io me fili mai te tusi pese!!

Talosaga:

Iesu fakafetai mo te toe fakamasauaga mai kia matou me i sose tulaga lei e maua ne matou i te olaga nei e mai katoa maia koe mafai matou e fai te mea e loto koe kiei. Amene.

ULUTALA 11: FAKATUAKEGA MAI TE MATE

Pogai: Ke akoako a tamaliki ke iloa ne latou me ia Iesu e mafai ne ia o fakaola a tino mate.

Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a'koga mo fakamāina ei a te mataupu:

• Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakatea me ko tatou ne fanau katoa mai ne 'tou matua? Te mea e 'kese iei a Iesu, me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e 'pau e iloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai ne ia a te Fakaola. Ne filifiligina a Malia ne te Atua kae ne fakaoko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e 'gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka'lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mō ia manafai e ola tatou o fai tena finagalo i 'tou olaga.

Mea fai a Tamaliki:

• 'Kala fakagaligali a te ata #51

Pese:

Ne nonofo i te vao leoleo mamoe io me filimai tusi pese

Fuaiupu Tauloto:

Luka 1:31 “Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu.”

Fuaiupu Tauloto: Maleko 16: 6 “Ne fai mai a te tino tena kia latou, ana muna, sa `matau. A koutou e `sala kia Iesu te Nasaleta tela ne fakasataulo. E se i konei, ko oti ne toetu...”

Pese: OH! HOW I LOVE JESUS...

Talosaga: Fakafetai te Atua mo te manumalo e auala i te toetu ake koe mai te mate te la ko mafai ne matou o manumalo i omotou olaga sasaele mo koe.

VAEGA 4 – KO TENA FANAU MAI

ULUTALA 29: KO TE FOLAFOLĀGA KI A MALIA

Pogai: Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mô Faia’koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elua kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Lesona:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapilielu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga.

Tusi Faitau: Luka 7:11-17

Fakatokāga mô Faia’koga:

A Iesu ne fakaola ne ia te tamaliki tagata a te fafine ko mate a tena avaga i te fakai ko Naina. Ne fetai a Iesu mo tino konei e avae ne latou te foitino mate o te tamataene tenei i tafa o te mataloa ki loto i te fakai. A te fakai tenei ko Naina e tusa mo te 6 o maila mai te feitu ki te saute o Nasaleta. A Naina i te gana Epelu ko te gali (pleasant). E tenei ei te koga ne fakaola ei ne Iesu a te tamaliki tagata a te fafine ko mate tena avaga. Te mea taua ia Iesu ko te loto alofa. Ko te lasi o tena alofa o Iesu ki te fafine mo tena fakalavelave ne ala ei a ia o fai penei, sa tagi! E tenei te vavega ne fai ne Iesu tela ne fakamatalaga a Luka.

Mea a’koga mo fakamāina ei a te mataupu:

E seai se ata i `tou ata o te tala tenei kae e mafai faeloa ne koulua o fakaaoga sose ata io me se isi tala tela e fesoasoani ki te atili fakamaināga o te tala a tatou tenei.

Fakatomuaga:

Kai iloa aka loa ne koutou se tino mate ne mafai o toetu aka mai i te mate? (mai tafa o Iesu).

Akoakoga:

Sose vavega ne fai ne Iesu i tena olaga i te lalolagi nei, e isi e iloa se pogai mo se akoakoga tela ne fai ei ne ia. E `se se fia sili io me se fia taku-takua, kae e fakaasi faeloa i ei a te finagalo o te Atua, a te `mana, te malosi mo te poto faka-atua o Iesu e fakapatonu ei me ia ia ko te Tama e iloa a te Atua. I te taeao nei, e lavea ne tatou e tamaliki me ia Iesu mo tena Tamana ko te Atua e pule kâtoa loa i te ola kae seai aka se isi tino e pule i te ola. E taua foki ke iloa ne tatou e tamaliki me i te fakaolataga a Iesu e se gata fua i `tou olaga nei kae ke oko e iloa ki te se gata mai. Ne fakaasi ne Iesu a tena alofa ki te fafine kae e pena foki e iloa a tena alofa ki a tatou katoa. Tamaliki, a Iesu e pule i `tou ola tela la e `tau e iloa mo tatou o āva kae tali`tonu ki a ia i aso katoa o `tou olaga.

Mea fai a tamaliki:

Fai fesili mo tamaliki:

- Kaiâ nei ne mafai ei ne Iesu o fakaola a te tamataene tenei?
- Seâ a te finagalo o te Atua i te vavega tenei ne fai ne Iesu?

Pese: Seai ne aulo mo siliva ia au io me fili mai te tusi pese!!

Fuaiupu Tauloto: Ioane 11:25 "Au ko te Toetu mo te Ola, sose tino e fakatuanaki ki a au, e tusa e iloa me mate, kae e ola e iloa a ia."

Talosaga:

Te Aliko, e talitonu matou ia koe e alofa tonu ki a matou aua matou ne faite ne koe ki ou foliga tapu. Fakatupu malosia ne koe te loto talitonu mo te mautinoa i loto ia matou ko te mea ke tumau te loto fakatuanaki ki a koe me mafai ne koe o fai a vavega fakafoofogina i omotou olaga. I te igoa o Iesu e auala atu te motou talosaga, Amene.

ULUTALA 12: FAGAIGA O TE LIMA AFE O TINO

Pogai: Ke akoako a tamaliki ke iloa ne latou a te foaki mo te fakasoa a te Atua.

Tusi Faitau: Maleko 6:30-44

Fakatokāga mō Faia'koga:

Ko fakamatalaga ne Maleko te fagaiga ne Iesu a te 5000 tagata tela se fakaasiga o te malosia fakafoofogia o Iesu.

Te fakamatalaga ne Maleko i te tala i te fagaiga ne Iesu a tino te aofaki e 5000 e lavea i ei a te galuega fakafoofogia ne fai ne Iesu.

I te Feagaiga Mua ko tala e uiga mo vavega i te fakatokaga meakai (provision of food) 1Tupu 17:8-16, 2 Tupu 4:42-44

Mea a'koga mo fakamāina ei a te mataupu:

Ata napa #71

Fakatomuaga:

A te fagaiga o se lima afe o tino se mea e faigofie me se mea e faigata? Mata e pefea a te uke o meakai e manakogina ke fagai ki ei se aofaki e tokouke penei?

Akoakoga:

I te vavega tenei ne fai ne Iesu, e iloa faka'lei e iloa ne tatou me se mea e fakafoofogia kae a iloga loa e mafai ne se isi tino o fai. A te fagai o ne

ULUALA 28: KOTE TOETU MANUMALO O IESU KELISO MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate

Tusi Faitau: Maleko 16: 1—8

Fakatokaga mo Faia'koga:

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu 'patonu tatou ki tena mate mo tena toetu manumalo (1 Kolinito 15:1—7). Tenei te 'kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamāina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

Akoakoga:

Tamaliki ko te mea ke talitonu 'patonu tatou me ia Iesu Keliso ne toetu ake e iloa mai te mate ke mafai o fakaola koe mo au mo tino katoa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

Mea fai a tamaliki:

Lomi te ata o Iesu I tena toetu mai te mate

ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate i te sataulo ko taku a mea konna ko te "sataulo" ne amo ne Iesu.

A te sataulo se lakau faka lava tela e fakasala i ei a tino tafasili i te masei a olotou uiga mo faiga,. Te sataulo e atagina i ei te mate faka lumaluma i tuu mo aganu faka Iutaia. Ne mafa malosia kia Iesu te sataulo o ia ona ko te vaivai o tona foitino I pago mo kini kola ne ave ne sotia Loma kia ia.

Fakatomuaga:

Kooi te tamaliki kooti ne lagona ne ia te tala i te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Akoakoga:

E maina i te tala me ia Iesu ne fakasataulogina i tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki eiloa. Kafai e mafaufau tatou ki te mea ne fai ne Iesu, ailoga e isi se tino i te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea 'see o nisi tino. E seai foki se tino e fiala o mate mo te sua tino. Telala, e 'tau mo tatou tamaliki o kufaki kae loto fakamagalalo ki nisi tino kote mea ke fiala mai te Atua kia ta- tou.

Mea fai a Tamaliki

Usu pese

Fuaiupu Tauloto: Efeso 5:2

Pese: Fili mai te tusi pese

Talosaga: Te Aliko, fesoasoani mai kia matou fanau ko te mea ke lavea ne matou te faigata o te sataulo ne tela ne feagai mo te motou Aliko ona ko tena alofa mo matou, amene.

tino e lima afe ki tama ika e lua mo puta falaoa e lima kae toe mai foki i ei a tapola fonu e sefulu lua, se mea fakafoofogia kî. E lavea ne tatou i konei a te 'mana o Iesu me ia ia ko te Tama a te Atua. Ne fagai ne Iesu a te vaitino konei e molimau ei a tona alofa mo tena foaki tela e mafai faeloa ne ia o foaki mai sose mea e ma'nako tatou ki ei manafai e tali'tonu kae fakatuanaki tatou ki a ia mo te loto fakamaoni. Iesu ko te Falaoa o te ola e ola i ei tatou faka te foitino kae maise faka te agaga i te olaga nei kae ke oko foki eiloa ki te se gata mai.

Mea fai a tamaliki:

- Fakatu se tala toetoe e uiga mo te mataupu
- 'Lomi kae 'kala ata mafai e isi ne fakatoka

Pese: Man shall not live by bread alone

Fuaiupu Tauloto: Ioane 6:35 "Ko au ko te Falaoa o te Ola, ko te tino e vau ki a au e se toe fia kai, ko te tino foki e talitonu ki a au, e se toe fia inu eiloa."

Talosaga:

Te Atua alofa, fakafetai mo te 'tala o te taeao nei e fakamasaua mai ei ki a matou me ko koe e maua mai ei omotou manakōga katoa. Ke fai ne koe matou mo tamaliki kola e tali'tonu kae fakatuanaki faeloa ki a koe i aso katoa o motou olaga, ona ko Iesu Keliso te motou Aliko. Amene.

ULUTALA 13: FAKALEIGA O MASAKI:

Pogai: Ke iloa ne tamaliki me i te talitonu ki te 'mana o te Atua e 'lei i ei a 'tou ma'saki.

Tusi Faitau: Maleko 6:53-56

Fakatokāga mō Faia'koga:

Ne fakaasi ne Iesu te mana mo te alofa o te Atua i te fakaleiga ne ia a tino masaki i Kenesaleta. A te kogāfenua tenei ko Kenesaleta e tu i feitu ki saute o Kapanaomi. Ko galuega fakafoofogia a Iesu ki tino i fakai takitasi ke oko eiloa ki fenua kola e faimalaga ei a ia. I te fuaiupu e 56 e fakaasi i ei a te pokoga o te lagona o se manakoga o te tino masaki. A te

kanoloto o te alofa faka te tagata tela ne ave ne tino konei a te tagata masaki ki te koga tela e mapu i ei.

Mea a'koga mo fakamāina ei a te mataupu:

Fakaaoga a ata napa #65, 69, 80.

Fakatomuaga:

A tino ma'saki e masani o ave saale ki fea? Mata e mafai o 'lei se tino masaki mafai e fakapatele a ia ki te kapakapa o te gatu o te sua tino?

Akoakoga:

Ona ko te tali'tonu o tino Kenesaleta ki a Iesu mo tena 'mana o faka'lei a masaki, ne olo ei o puke mai sose tino tela e masaki ke vau fua o fakapatele ki te kapakapa o te gatu o Iesu. A Iesu ne seki fakafitā o faka'lei a tino masaki, kae ko te pa'tele fua ki tena gatu mo te loto talitonu, ne 'lei katoa i ei a masaki o tino konei i Kenesaleta. Tamaliki, tatou foki kafai ko masaki, e manakogina ko tatou ke talitonu mo te loto katoatoa ki a Iesu i 'tou talosaga fai, e toe maua ei a te ola mo te malosi i 'tou foitino. E seai se 'mana faka'lei masaki io me se 'mana fakaola e 'pau mo te mana o Iesu āua me ko ia e iloa tokotasi e pule i te ola o te tagata.

Mea e fai a Tamaliki:

Fai fesili , (fakatoka ne koe te faiakoga a fesili kola e autu tonu ki te tala)

Pese: Seai ne aulo mo siliva ia auio me fili mai te tusi pese!!

Faitau Tauloto: Salamo 121:1-2 "E kilo ake oku mata ki mauga, Ea e maua mai fea toku fesoasoani? E maua toku fesoasoani mai te Aliko tela ne faite ne ia te lagi mo te lalolagi"

Talosaga:

Te Atua, ko tou mana e fakaasi ei ne koe ki a matou a vavega kola ne fai ne koe ki tino masaki, e fakaaatili ei te lotomalosi mo te talitonu ki a koe aua me ko koe e iloa e lei ei omotou masaki i te olaga tenei. Amene

ULUTALA 14: FAKAMAGALOGA O AGASALA

Tusi Faitau: Maleko 2:1-12

Pogai: Ke iloa ne tamaliki me i te salamô ki 'tou agasala e fakamagalo ei

(9:9) me ko fakaasi ne Iesu me i te ia se tino o te filemu kae ese fakavae a tena malo ki malosi mo te fia maluga. E seai loa se fakaaasiga o Iesu me i te ia se tupu, kae I te taimi ne sopo ei a ia iluga i te asini, a ona soko ne fola a gatu o latou I te auala kae ka'laga mo te leo lasi mo lau-paama i olotou lima, "ke manuia a te tupu tela e vau i te igoa o Tavita!" Ne uate a tino i Ielusalema ona ko te faifaiga tenei.

Fakatomuaga:

Kai sopo aka koe I tua o te asini? Io me kai lavea ne koe se asini? Te aso tapu tenei, ko te tala I te ulu manumalo o Iesu ki loto I Ielusalema.

Akoakoga:

Ke fakaaloalo a tu tatou ki sose tino e taaua kii i tou olaga. E pena te malaga o Iesu e fakaaataa ei tona loto mamlalo o ia tela ne fakaaoga ei ne ia te manu tenei ko te asini kae se ko te solofanua. Telala, tamaliki se tulaga ke ola te manatu tenei te lotomalalo mo te fakaaloalo i tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa. Ke masaua foki ia taua tamaliki me ia Iesu ko tou fakaola tela ne mate mo fakamagalo tou agasala.

Fuaiupu Tauloto:

Faitau 8 –9e "tokouke tino ne fola olotou gatu i te auala, ka ko nisi tino ne fati ne latou a kaula o lakau kae fakamoe i te auala"

Pese: Let the Lord have His ways io me fili mai te tusi pese

Talosaga:

Te Atua, aumai kia matou se loto aava mo te fakaaloalo ke ola ia matou.

ULUTALA 27: KO TE FAKA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te 'mafa o te amoga ne amo ne Iesu kae maise a tona sataulo I tena auala ki Kalevalia

Tusi Faitau: Ioane 19: 16—27

Fakatokaga mo Faiakoga:

A uiga fakamotu loto, ko muna masei, muna loi mo amioga se tonu katoa ne fai kia Iesu i taimi o te fakamasinoga, te fakasalaga ke oko

Fanau e lavea ne tatou mai te tala, me i te lalolagi nei tatou e numi tasi loa tino talitonu mo tino se talitonu. Tela la se fakamasauaga kia taua me se ko tino katoa e olo ki te lotu ne tino o te Alikī, ikai. E lavea ne koe i pefea te tino tonu io me ko te tino o te Alikī?. Fanau e lavea ne koe i olotou fuataga. A te tino tonu o te Alikī e fua mai ne ia fuataga o te Agaga Tapu tela ia Kalatia 5:22-23. Muna Iesu me i te lakau lei e lavea I ana fuataga. E se mafai nete futi o fua mai ne ia fuataga Mei, ikai, e fua mai loa ne ia te futi. E pena foki te Mei, ese mafai ne ia o fua mai ki te fuataga o te panikeni. E fua mai loa ne ia fuataga Mei. E pena foki te lakau `lei e fua mai loa ne ia fuataga `lei kae se ne fuataga masei.

Mea fai a tamaliki:

Lomi te ata o mouku mo saito

Fuaiupu Tauloto: Mataio 13:30 "Tuku eiloa ke ola ake talua pena, ke oko ki te aso e kati ei te saito.

Pese: Fili mai te tusi pese

Talosaga:

Te Alikī, fesoasoani mai kia matou fanau ko te mea ke fai matou mo tino tonu o koe, amene.

VAEGA 3: KO TE ULU MANUMALO, MATE MO TE TOETU MAI O IESU

ULUTALA 26: KO ULU MANUMALO IESU KI LOTO I IELUSALEMA

Pogai: Ke atiake a te iloa o tamaliki me ia Iesu ko te fakaola o tatou

Tusi Faitau: Mataio 21: 1—11

Fakatokaga mo Faiakoga:

Te Ulumanumalo o Iesu ki loto i Ielusalema se ata tafasili i te gali tela e lavea iei a ia se tupu mo te Fakaola o te lalolagi. A Petefake (te fale mati) se fa`kai foliki tela e tuu pili ki te mauga o Olive te koga tela e lavea lei mai i konaa a Ielusalema. A te asini mo te tama asini ne aumai Ktoa kia Iesu mo sopo a ia iei (f.7) me "e manako ki ei te Alikī". Te mea tenei ne fai ne Iesu e fakataunu I ei a muna a te pelofeta ko Sakalia

tatou ne te Atua.

Fakatokāga mō Faia`koga:

I te fanofanoga a Iesu o talai te Tala Lei i fakai pili mai, ne toe foki mai a ia ki Kapanauami te laumua o te Galauaga a Iesu. A tino ne seki faitali ke fano a Iesu ki te Faletapu kae ko ualolo mai ki te fale e nofo i ei a ia tela ko seai loa se koga avanoa i loto i te fale. Kafai te fale ko fonu i tino lei, ko tena uiga a tino masaki fakamate ko seai se auala o latou ki loto A fale o tino Iutaia e seai ne tuafale maluga kae e papa fua ona me vela a te tau i fenua kona, e tena te mea e seai ki te mutana o vaiua e to i loto i tausaga taki tasi. Te tuafale e ato ki lau o lakau kae tanu ki pela kola ka malo e makeke e pela mene sameni.

A Iesu ne fakamagalo ne ia a agasala a tino masaki fakamate te la ne avatu ne ona taugasoa kae tukutuku ifo ki lalo mai te tuafale ki te koga e tu i ei a Iesu. A Faiakoga o Tulafono ne poi i a Iesu ko fai ne ia te tusaga tela e o te Atua fua i olotou manatu, tela ko te fakamagalo agasala. Iesu ne fakapatonu ne ia me isi se malosī i a ia o fakamagalo agasal i te faka-leiga ne ia o tino masaki tenei.

Mea a`koga mo fakamāina ei a te mataupu:

Te ata napa #65

Fakatomuaga: Sea a te agasala kae e fakamagalo foki pefea a `tou agasala?

Akoakoga:

A te agasala ko sose mea tela e fai ne tatou i `tou olaga kae e se fano tonu mo te finagalo o te Atua. Me se mea e lasi a tona masei io me se mea fua e foliki i `tou mafaufau kae se fiafia ki ei a te Atua, a te mea tena se agasala. A te se alofa, fakatupu taua, kaisoa, patiloi, pati masei, se fakalogo ki matua, se āva mo nisi uiga fai o tatou penei, ne uiga katoa kola e se fiafia ki ei a te Atua (*faitau Kalatia 5:19-21*) Kae manako a te Atua ke fain e tatou a uiga `lei kae gali pela mo uiga i te *Kalatia 5:22-23*. E mafai fua a `tou agasala o fakamagalogina i te toto o Iesu tela ne fakamaligi i luga i te sataulo mō tatou manafai e talia ne tatou a ia ke fai mō `tou Fakaola, i te talitonu mo te fakatuanaki patonu ki a ia.

Mea fai a Tamaliki:

Sautalatala kae fai fesili mo tamaliki ki fesili konei ko te mea ke atili mamlalama faka`lei latou i ei: Ko oi a tino e agasala? (*Loma 3:23, 5:12*)

Sea a te tau i o te agasala? (*Loma 6:23*)
E fakamagalo pefea a 'tou agasala? (*1 Petelu 1:18-19*)

Pese: God forgive my sins, in Jesus' name...

Fuaiupu Tauloto: Loma 6:23 "Me i te tau i o te agasala ko te mate kae ko te meaalofa faivasaga a te Atua ko te ola e se gata mai ia Keliso Iesu te 'tou Aliko."

Talosaga:

Te Atua alofa, fakafetai mo tau meaalofa pito sili i te 'taua ko te ola e se gata mai ia Keliso Iesu. Fakamagalo mai omotou agasala kae ke fai matou mo tamaliki e talitonu mo te fakamaoni kae fakatuanaki ki a ia i aso katoa e ola ei matou. Amene.

ULUTALA 15: TE MALOSI MAI LUGA ATU O TE NATULA

Tusi Faitau: Luka 8:22-25

Pogai: Ke fesoasoani ki tamaliki ke iloa ne latou i te pule o te natula ko te Atua

Fakatokāga mō Faiakoga

Iesu mo ona soko ne sopo i te poti o malaga ki te sua feitu o te namo tela ne fepaki a latou mo te afa kae ne fakamalu ne Iesu.

Te Namu o Kalilaia se tina vai kae tu i te feitu ki Matu o Palesitaina. Te namu tenei e fakaigoa foki ki *Vaitafe o Iakopa* (Iosu.12:3), *Tai o Tipelio* (Ioa.6:1; 21:1), *Namu o Kenisaleta* (Luka.5:1). Ona ko te maluga o mauga kola e tu-fakatamilo ne latou te namu, a ko te namu e malalo ifo i te levelo o te tai, tena la, ko auala i ei o vave paku te vela i te namu i te faka-afiafi tela ko moko vave i ei. Te mafuli vave o te vela ki te moko e fakamafua ne ia a matagi malosi e pela mo te matagi ne fepaki mo soko i te Namu o Kalilaia.

Te fakamaluga ne Iesu a te afa e fakaasi i ei te pule a Iesu i te natula, kae fakapatonu i ei me ko ia loa ko te tufuga tela ne faite ne ia te lagi mo te lalolagi (Kene.1:3; Ioa.1:1-3).

Mea a'koga mo fakamāina ei a te mataupu:

Fakaaoga a te ata napa #68.

Te Aliko, fesoasoani mai kia matou fanau ko te mea ke fai ne matou te mea tela e loto koe kiei, amene.

ULUTALA 25: KO MOUKU MO SAITO

Pogai: Fesoasoani ki tamaliki ke iloa ne latou me I te olaga nei tatou e numi fakatasi loa mo tino se talitonu

Tusi Faitau: Mataio 13:24—30

Fakatokaga mo Faiakoga

E tokouke tino fai fatoaga io me ko tino tokilakau i te vaitaimi o Iesu e faka'na ki te lei a olotou fatoaga io me ko te lei o te taukai. Kafai se mea e fai mo fakalavelave ki te olalei o te fatoaga, te mea tena se pokotiaga lasi kii ki te pisinisi.

A te vaega mouku tenei i te tala fakatusa a Iesu e molimaugina ne tino poto me kafai ko 'ma'tua e tai pau loa mo te saito, tai se lavea ne koe te kesega me i te mea tena se mouku io mese saito. A te tino ea ia te fatoaga I te tala fakatusa tenei e manako ke fakatali loa ki te taimi e kati iei te taukai. I te taimi tenei ko mafai iei o 'vae keatea te saito mo te mouku.

I te tala fakatusa muna Iesu a te tino tela ne toki ne ia fuaga 'lei ko ia tena, ko Iesu. A te tino tela ne toki ne ia a fuaga masei ko te fili ko te Tiapolo. A te laukele ko te lalolagi. A mouku ko tino se talitonu kola ne tuku maigina nete fili ke ofa ne latou a te galuega a te Aliko i te lalolagi nei. Ka ko saito ko tino talitonu kola ne tuku maigina ne Iesu ko te mea ke galue ki te fakalauefaga o te galuega a te Aliko i konei. I te tala e lavea ne tatou muna a te Aliko kese 'vae kae ke tuku loa ki te aso fakaoti, ko 'vae iei. Me kafai e 'vae nei ne tatou e mafai o unu tasi aka mo saito a mouku. E pena foki mo tino tonu o te Atua, kafai e taumafai o fai se faiga ki te vaega ne tatou keatea tino talitonu mo tino se talitonu i te taimi nei, e mafai o ave tasi ne tatou keatea tino lei mo tino masei aua me ko te Atua loa e iloa tonu ne ia tino masei io me ko mouku. Kae se ia koe foki mo au te tiute ea te Atua loa te tiute.

Me akoga mo fakamaina iei te mataupu:

Ata o Mouku mo Saito mo te tino e unu ne ia

Akoakoga:

ULUTALA 24: TAGATA POTO MO TE TAGATA VALEA

Pogai: Ke fesoasoani ki tamaliki ko te mea ke fai mo tamaliki poto i te fakalogo kae fai ne latou te loto o te Atua.

Tusi Faitau: Luka 6:47—49

Fakatokaga mo Faiakoga:

Te tala fakatusa tenei ne fai ne Iesu ne fai i te fakaotiga o te lauga a Iesu iluga i te mauga.

A tino fakalogologo i te lauga a Iesu iluga i te mauga e iai iei a Faiakoga o te Tulafono, Falesaio mo Satukaio io me ko latou kola e taofi malosi ki te talitonuga faka Iutaia. Muna Iesu kia latou "te fakalavelave ia koutou, koutou e iloa ne koutou au tena te mea e ka'лага mai ei koutou 'Te Aliko, te Aliko kae ko te fakalavelave e se fai ne koutou te loto o te Aiki (Lk.6: 46). Muna Iesu me i te tagata poto e fakatusa ki te tagata tela ne faite tena fale i te Kaupapa. A te kaupapa e maua ne koe manafai e keli ne koe ke poko. Ko tena uiga e 'tau mo koe o kilokilo loto ki te tulaga otou olaga kae ke poko foki tau keli ki te muna a te Atua.

Ko tena uiga sose tino e faite tena olaga i te talalei io me kote fatutuli-manu (Mat.16). Matagi mo peau o te olaga nei ese mafai o fakagasue ne ia tou fale.

Mea Akoga mo fakamaina iei te mataupu:

Ata o te matagi e agi kiluga i te fale

Akoakoga:

E lavea ne tatou tamaliki mai te tala me I te olaga tokaga malie mo te olaga manuia e maua manafai e fai ne tatou a te loto o te Atua. Tela la se fakamalosiga kiluga ia taua fanau ko taua ke se fakalogologo fua, kae ke fai ne taua a mea kola e fakatonu mai ne ia kia tatou.

Mea fai a tamaliki:

Lomi a te ata o te matagi e agi ki luga i te fale

Fuaiupu Tauloto: Mataio 7:24

Pese: Fili mai te tusi pese

Talosaga:

Fakatomuaga:

Tatou i Tuvalu nei e masani saale o fepaki tatou mo matagi ma'losi kae 'lotu vaiua. Kafai ko agi te matagi, 'to malosi a te vaiua kae sou a te tai, sea a te mea e oko ki a koe kae maise la, mafai e nofo koe i te kano moana? A te mataupu a tatou i te taeao nei, ko te malosi mai luga atu o te malosi o te natula.

Akoakoga:

Ko Iesu fua nei ne fakama'lu ne ia a te matagi mo te tai. Ne fai ne Iesu a te mea tenei e fakapa'tonu ei a tena feitu faka-atua kae molimau ei ki ona taugaso me i tona 'mana mo tona malosi e silia atu i te malosi o te natula. E lavea foki ne tatou i konei e tamaliki me i te natula e pule ne te Atua auã me ia ia a mea katoa ne faite ke oko ki a tatou katoa. Tela la, e 'tau e iloa mo tatou o matakū, äva kae faka'logo ki te Atua me e pule ne ia a te natula, te ola, te lalolagi mo mea katoa i ei ke oko e iloa ki a tatou katoa takitokotasi.

Mea fai a Tamaliki:

- Ke 'kala ne tamaliki a te ata napa #68
Usu Pese

Pese: Fili mai te tusi pese

Fuaiupu Tauloto: Salamo 89:9 "E pule koe i te tai fakamataku, e fakama'lu ne koe ona galu fakamataku."

Talosaga:

Iesu, koe ko te pule o te natula tela ne fakalogo a te sou o te tai mo te matagi ki a koe. Aumai te loto talitonu mo te loto fakatuanaki ki a matou, ko matou ke tali'tonu e iloa mo te fakamaoni ki a koe i aso katoa o motou olaga. Amene.

VAEGA 3 TALA FAKATUSA E UIGA MÔ TE MALO O TE ATUA.

ULUTALA 16: TE OLAGA O TINO O TE MALO O TE ATUA.

Pogai: Ke fesoasoani ki tamaliki ke maina ia latou me i te olaga tautali

ki a Iesu se olaga tela e 'tau o toka kae mataala i taimi katoa.

Tusi Faitau: Mataio 25:1-13

Fakatokāga mō Faia'koga:

A te tala fakatusa ki te tinoagafulu tamafine kola ne olo o fakafetaui ki te tamataene fatoa fakaipoipo kae ne lavea i ei te poto mo te valea o latou mai i te toka mo te se toka o fakatokaga kola ne fai ne latou i te lava mo te se lava o kalasini a latou.

A te faipoipoga se faigamea tafasili i lasi kae taua i taimi o Iesu i tu mo aga a tino Epelu. E tenei te faigamea e mafai ne tino o fanoi mai i olotou tiute faka-te-lotu ko te mea ke oko latou ki te fiafia lasi tenei. E tasi o vaega lasi o te faipoipoga ko te taimi ko ave i ei ne te tagata a tena avaga fafine ki tona fale tela e faitali mai i ei a tino o tena kaiga, kae fakasoko foki i kona a fiafiaga.

A te Malo o te Lagi io me ko te Malo o te Atua e fakauiga ki te pulega a te Atua, kae a te Malo o te Atua (Pulega a te Atua) e manako ke pule ne ia a tou olaga. Te pulega tenei e faka-te-agaga tela e fai i tou lotu. Te tino e talia ne ia te Malo o te Atua ko talia ne ia a te Atua ke pule i tona olaga. Te fakamainaga: Te tino e talia ne ia a Iesu ke fai mo ana fakaola ko talia ne ia ke pule ne te Atua (Malo o te Atua) a tona olaga e auala i te Agaga Tapu. A Mataio e fakaaoga ne ia te Malo o te Lagi ona a ia se tino Iutaia tela e tapu ma taku te igoa o te Atua (Eso.20:7); ako Luka tela se tino o Fenua Fakatea e fakaaoga ne ia te Malo o te Atua.

Mea a'koga mo fakamāina ei a te mataupu:

- Fakamatala a te tala fakatusa mo fakauigaga ki te olaga i aso nei Fakaaoga a ata o te fakaipoipoga o fakamaina ki ei te Tala Fakatusa

Fakatomuaga:

Kooi te tamaliki ko oti ne lagona ne ia te tala fakatusa mai i te Tusi Tapu? A te mataupu a tatou i te Aso Tapu tenei ko te tala fakatusa ki tamafine e tinogafulu kola ne olo mo olotou moli o fakatalitali ki te tagata fatoa fakaipoipo. E tokolima a tamafine e poto kae e tokolima mai ia latou e valea. A tamafine poto e lava a olotou kalasini kae ne toka i te taimi ne oko mai ei a te tagata fatoa fakaipoipo, ka ko te sua tokolima tamafine valea ne masa a olotou moli

Akoakoga:

Mai te tala a tatou tamaliki, e lavea ne tatou a tamafine valea e tokolima

E lua a ata ne aumai ne Iesu i te tala fakatusa tenei a ia; te fa'kai i luga i te mauga mo te moli i te fale. E uke a fa'kai o tino Iutaia i te taimi o Iesu e tuu i luga i te mauga. E se taumate a Iesu e faipati ki fa'kai konei kola e tuu i luga i mauga kola e faigofie o laveagina ne te tokoukega, Te fakatusaga a Iesu ki te fa'kai e faite i luga i te mauga e mateagina ne te tokoukega se ata tela e 'tau o lavea i ona soko i olotou olaga e 'tau o laveagina nete tokoukega o tino.

Te ata o te moli i lotu i te fale ko te ata o te soko io me kote kelisiano i lotu i te fale. A te olaga o te kelisiano io me ko te soko o Iesu e 'tau o kamata i lotu i te fale e pena foki loa mo te lalolagi katoa.

Ke moa loa e puli ia tatou me i te moli io me ko te mainaga tenei e fakauiga ne Iesu i konei ese vau mai ia tatou, kae vau mai te mainaga tonu tela ko Iesu.

Mea A'koga mo fakamaina te mataupu:

Ata o te moli i lotu i te fale io me ko te fa'kai i luga i te mauga.

Akoakoga:

Mo taua fanau, e laveagina ne taua I te tala fakatusa me i te manakoga o Iesu me i te taa olaga e 'tau o laveagina ne tino katoa. Te olaga faka kelisiano se se olaga e funa ne taua kae se olaga tela e tau o atagina ne tino katoa. E se mafai ne taua o atagina te olaga o Keliso i lotu ia taua e aunoa mo Keliso. Ko Keliso te tinaa mainaga tonu (Ioane 8:12) kae ko ia foki loa e mafai ne ia o fakamaina ne ia taa olaga ki te olaga tela e manako kiai te Alikī. Tela, la ke 'piki taua kia Keliso ko te mea ke mafai taua o maina atu ki te lalolagi katoa.

Mea fai a tamaliki:

Lomi te ata o te fa'kai i luga i te mauga io me ko te moli i lotu i te fale.

Fuaiupu Tauloto: Iakopo 4:8 "Fakapilipili atu koutou ki te Atua, ko fakapilipili mai ei a ia kia koutou..."

Pese: Fili mai te tusi pese

Talosaga: Te Atua te motou Tamana i te lagi. E akai atu ko te mea ke fesoasoani ki tamaliki ko te mea ke iloa ne matou fanau me i te olaga i te olaga tela e manako koe kiai ke fai ne matou e mafai fua manafai matou e 'piki atu kia koe Iesu, amene.

Sea te ata e aumai ne Iesu i konei. A Iesu ne vau mo te fekau fou tela e kese mote fekau i te feagaiga mua. Te talitonuga faka Iutaia tela i te tu-lafono, taulaga e fai ki manu mo nisi mea aka foki ko kese mo te fekau ne vau mo Iesu, tela kafai e taumafai tatou o fai ke tasi ese mafai. Te fekau tela ne vau mo Iesu e aumai ne ia te fou, te ola pena foki e iai te mafai o fakafou iei tou olaga.

Mea Akoga mo fakamaina iei te mataupu:

Ata o te tilima mua mo te tilima fou io me se uaina e utu ki loto i te fagu fou.

Akoakoga:

Tamaliki, e lavea ne tatou mai te tala fakatusa tenei a Iesu me i te fekau tela ne vau mo Iesu io me ko ana akoakoga e aumai ne ia te fou kia koe mo au fanau. Kafai taua e faitau ki loto i te muna a te Atua, sukesuke ne taua a te muna a te Atua kae fakalogo taua kiai ko lavea iei ne taua me i akoakoga a Iesu e aumai loa ne ia te olaga fou kia taua.

Mea fai a Tamaliki:

Lomi te ata o te gatu mua mo te gatu fou

Fuaiupu Tauloto: Ioane.15:3

Pese: Fili mai te tusi pese

Talosaga:

Te Aliko, fesoasoani mai kia matou fanau ko te mea ke tauloto ne matou a akoakoga a Iesu kae fakagalua ki omotou olaga ko te mea ke maua ne matou fanau a te fou ki omotou olaga, amene.

ULUTALA 23: MOLI I TE TUGAMOLI

Pogai: Fakamalosi ki tamaliki me mafai o maina te mainaga o Keliso I loto ia latou manafai e pili latou ki te mainaga tonu tela ko Iesu.

Tusi Faitau: Mataio 5: 14-15

Fakatokaga mo Faiakoga:

e se toka latou i te taimi ne fakapoi mai a te oko mai o te tagata faatoa fakaipoipo. Ka ko te sua tokolima tamafne poto ne toka latou tela ne ulu fakatasi ei latou mo te tagata fakaipoipo ki te kaiga fiafia o te fakaipoipoga. E lavea ne tatou konei tamaliki me i te olaga tautali ki te Aliko se olaga tela e tau o toka kae mataala i taimi katoa. Ke pela tatou mo tamafine poto kola ne seki fakatamala kae ne moemoeaki eiloa mo te taimi e oko mai ei te tamataene faatoa fakaipoipo.

Mea fai a Tamaliki:

Tamaliki ke fesilisili ki te faiakoga e uiga mo te mataupu

Pese: Usu a te pese i te Tusipese napa #241

Fuaiupu Tauloto: Maleko 8:34 Muna Iesu; "So se tino e manako o tautali mai i a au, e tau o se mafaufau ki a ia eiloa, kae ke amo tena sataulo ko tautali mai ei ia au"

Talosaga:

Te motou Tamana faka te lagi, fakafetai mo te itula tenei ko kaufakatasi atu ei matou o avatu a te motou taulaga fakafetai mo te ola mo te malosio ko oti ne tuku mai ne koe ki a matou. Fakafetai mo te ata ne fakaasi ne fafine poto kola ne moemoeaki o fakatali ki te oko mai o te Mesia. Talo atu matou ke fakamanuia mai ne koe matou ke mafai ne matou o tauloto a tala gali e aoga mo te motou olaga faka tamaliki. Amene

ULUTALA 17: TE OLAGA TAUTUA MÔ TE MALO O TE LAGI.

Pogai: Ke fakatupu a te iloa i tamaliki ke mafai ne latou o fakaaoga tonu a olotou taleni i te olotou olaga tupuake.

Tusi Faitau: Mataio 25:14-30

Fakatokāga mô Faia'koga:

A te tagata ne fano i tena malaga kae ne tuku ne ia ke tautali ana mea ne ana tavini e tokotolu. A aofaki kola ne tuku ne ia ne fua ki te fua-mafa o aso mua tela e fakaigoa ki te *taleni*.

Te taleni ne fakaaoga mo fua ki ei a te mafa o mea. Fakamuli ifo, ko fakaaoga te taleni ke fai mo aofaki o aulo mo siliva tela e vau ki te \$1,000.00 i aso nei.

A te tala fakatusa tenei a Iesu e fakamaina i ei a te olaga tavini mo te Malo o te Lagi/Atua e fakauiga ki te fakaaoga tonu o taleni kola ne tuku mai ne te Atua (1Koli.12:28-31a; Efe.4:11-12)

Ne lavea i te olaga o Iesu te ata tafasili i te maluga o te tautuaga o te loto o te Atua io me ko te Malo o te Atua. Ana galuega ne fakavae ki te alofa, te fakamoemoe, te fakalogo muna mo te ava ki te Atua. A tino galue mo te Malo o te Atua e tau o fakaakoako ki faifaiga a Iesu.

Mea akoga mô fakamāina ei a te mataupu:

Fakatoka a te faiakoga o fakamatalatala faka'lei a te olaga i aso taumua tela e isi i ei ne tavini io me ko pologa mo pule io me ko matai.

Fakatomuaga:

Ko oi te tamaliki e masani o fakalogo ki te fakatonuga a tena faiakoga, io me ko ana matua ke tausī ne ia se mea i te taimi ne galo atu ei ki te sua fekau? I te Asotapu tenei, ka fakalogologo tatou ki te tala fakatusa o te tagata ne fano i tena malaga kae ne tuku atu ana mea ke tausī kae fakagalue ne ana tavini e tokotolu

Akoakoga:

A te tala ko oti ne fakalogologo tatou ki ei ko te tala i te pule mo tavini fakamaoni mo te tavini se fakamaoni. Ko fakamasaua mai ki a tatou tamaliki me i te fakalogo mo te fakamaoni e maua i ei a tavaega 'lei o te tino manafai e fakamaoni o galue a tena taleni tela ko oti ne tuku mai ki a ia. A te fakamaoni o tausī ki mea foliki ka maua foki i ei a te avanoaga o pule i mea lasi mo mea e uke. Me nea a 'tou taleni takitokotasi kola ko oti ne tuku mai ne te Atua, ke talia fiafia ne tatou kae ke fakaaoga foki faka'lei ne tatou mô fai ona vikiga i 'tou olaga tautua ki a ia.

Mea fai a Tamaliki:

Fakafasilisili me nea a 'tou taleni i 'tou olaga kola e mafai o fakaaoga mô te Alikī. [*uiga 'lei, te poto, te malosī, 'tou leo, 'tou maumea*]

Pese: I luga i te olaga nei io me fili mai te tusi pese!!

Fuaiupu Tauloto: Mataio 25:21 Ne fai atu a tona pule ki a ia, Fakafetai ko oko e iloa i te lei. A koe se tavini lei kae fakamaoni. Ne fakamaoni koe i te tausiga o mea foliki, nei ko tuku atu ne au koe ke pule i mea e uke; ulu mai la ki loto ke fiafia tasi taua!

tena alofa mai mo tatou, e fakamagalofoki ne ia a tou agasala i te toto o tena tama fakasele ko Iesu Keliso.

Mea fai a Tamaliki:

Fakaakoako ki te pese palagi penei "*I'm Forgiven*"

Pese: God forgave my sins

Fuaiupu Tauloto: 1 Ioane 1:9

"Kae kafai e takotonu atu otou agasala ki te Atua, e fakamaoni a ia mo te amiotonu o fakamagalō ne ia otou agasala, kae faka'ma foki ne ia ta-tou mai otou mea 'se katoa"

Talosaga:

Fakafetai lasi te Atua te motou tamana mo tou alofa, ne uga mai ei ne koe tau tama fagasele e tokotasi, ke mate mo omotu agasala ke fakamagalogina, akoako mai matou ke iloa ne matou o alofa kae fakamagalō atu foki ki a latou kola e se mai ki a matoue pela mo au poloakiga. Amene.

ULUTALA 22: KO TE OLAGA FOU

Pogai: Fesoasoani ki tamaliki ke iloa ne latou me i akoakoga a Iesu e aumai ne ia te fou ki luga i te olaga.

Tusi Faitau: Mataio 9:16-17

Fakatokaga mo Faiakoga:

Te tala fakatusa tenei e uiga ki te peleue mua mo te peleue fou se tala fakatusa tela e iai katoa i te tolu o Evagelia (Mataio, Maleko, Luka). Iesu ne tala ne ia te tala fakatusa tenei i te taimi ne fai iei tena lauga i luga i te mauga mo tena kalaga ki ana Soko muamua loa. Sea te uiga io me ko te akoakoga e manako a Iesu o ave ki ana tino fakalogologo?.

A te ata ne aumai ne Iesu i konei se ata ne aumai i tuu mo aganuu o Is-
alaelu i te vaitau o Iesu. A te uaina fou kafai e utu ki loto I te fagu fai-
talia foki loa te fagu se fagu fou kae fanofano malie loa o ma'pa aua me i
te uaina e gasolo aka loa o malosī tela e fai ne ia ke ma'pa. Kae kafai se
fagu mua kae utu ki loto a uaina fou kona vave aka loa o ma'pa. E pena
foki te peleue fou mo te laugatu mua e masae ona mese fealofani.

tona vaega ke fano mo ia ki fenua mao o ola i ei. Te faiga tenei e lei loa vagana i ei te fakamaumau o tena vaega ki mea se aoga o te olaga. Te lua o vaega, ko te tamaliki ko mativa, ko mate fiakai, kae galue i te galuega tela e tapu a tino Iutaia e fai ne latou (Levi.11:7). Tenei te ata o te tino tela ko mao mai i tona tamana kae masei valevale a tona olaga. Te tolu o vaega ko te salamo mo te foki ki tona tamana o fakaasi ki ei a tona se, mo tena manako ke fai a ia mo tavini.

Te salamo i te Feagaiga Mua e fakauiga ki te: *au ko se; ko fuli te mafau-fau*; tela e fakauiga ki te tino ko fuli a tona mafaufau e uiga mo te se ne fai ne ia (Eso.13:17; Iopu.42:6; Iele.8:6; 31:19). A tino ko tonu mo tona loto ke fano keatea a ia mai i te tausiga mo te alofa atafai o te Atua ka maua ne ia te masei o tena masei tena ne fai (Kene.6:6ff; 1Samu.15:11, 35; 2Samu.24:16; Iele.18:10). A kafai la se tino e salamo kae foki mai ki te Atua ka maua ne ia te Atua mo tena alofa fakaola mo te atafai o te Atua kae e sei se fakamasinoga (Iele.18:8; 26:3, 13, 19; Ioa.3:9ff).

I te Feagaiga Fou a te salamo e fakauiga ki te *fuli o te mafaufau*; e pela mo te tala i te Tino Aolafoga (Luka.18:13, Mata.21:29, 32; 27:3; Luka.17:4 *au ko se*) A uiga o muna Eleni konei e fakaaoga e manako ko te tino ke fuli a tona alo ki te koga ne fultua ki ei (complete about turn) tela la te salamo [*metanoë*] fuli mai i te olaga mua ki te olaga fou i a Iesu.

Mea akoga mō fakamaina ei a te mataupu:

Ata napa #92

Fakatomuaga:

Kaia e tau ei mo tatou o fakamagalo atu ki tino kola e se mai ki a tatou?

Akoakoga:

I te talo a te Aliko tela ne akoako ki ona soko kae masani o talo saale foki ne tatou, e isi ne pati e fai penei, " Kae fakamagalo mai omotou agasala, e pela mo matou e fakamagalo atu ki tino kola e agasala mai ki a matou". E manako a tatou ki te Atua ke fakamagalo mai ne ia a tou seega, e pena foki o manako mai a te Alikike fakamagalo atufoki ne tatou a latou kola ko se mai ki a tatou. E pela mo te tala a tatou i te taeao nei i te loto fakamagalo o te tamana ki tena tama foliki tela ko toe foki mai ki a ia, e pena foki loa a te alofa o te Atua, e fakatalitali mai faeloa ke olo atu tatouki a ia kae ka fakamagalo ne ia a tou agasala katoa mafai tatou ko salamo ki tou agasala. E taua e tamaliki ko tatou ke iloa ne tatou o fakamagao atu a tino kola e se mai ki a tatou, e pela e iloa mo te Atua i

Talosaga:

Fakafetai te motou Tamana faka te lagi mo taleni kesekese ko oti ne tuku mai ne koe ke tausii kae fakaaoga ne matou i omotou olaga, kae maise ei ko te poto tela ko te taleni ne tuku mai ne koe ki a matou tamaliki ke atiake kae fakalauefa ei a te motou iloa mo te malamalama ki tau muna tela ka takitaki ne ia matou ki tou Malo. Talo atu matou ki a koe te motou Atua ke alofa mai koe ki a matou. Ke tausii mai ne koe matou ki ou lima alofa, ona ko Iesu. Amene.

ULUTALA 18: ALOFA FAKAMAONI KI TE ATUA.

Pogai: Ke akoako ki tamaliki ke maina ia latou a te auala ka mafai ei o maua ne latou a te ola se gata mai.

Tusi Faitau: Luka 10:25-37

Fakatokāga mō Faia’koga:

Te fesili a te Faiakoga o te Tulafono ne tofotofo ne ia a Iesu me sea a te mea e tau o fai ne ia ke maua ne ia te ola e se gata. Ne fakafesili ne Iesu a te faiakoga o te Tulafono me sea a a tona iloa i fakamatalaga a te Tulafono.

A tou tuakoi e mafai se tino e nofo pili atu ki a koe kae e manako ki tou fesoasoani; ko te tino fakaaolofa i so se koga tela e manakogina ne ia se fesoasoani; Te tino tela ne ta ne tino faomea i te auala ko te tuakoi o te Faitaulaga, te tino mai te matakaiga o Levi pela foki mo te Samalia ona ko latou katoa konei ne lavea ne latou a te tino pakia tela ne takato i te auala; ka ko te Samalia fua ne fesoasoani ki a ia tela ne taku i ei a ia me ko te Samalia Alofa.

A te Alofa ko te manatu sili i te tala tenei kae sei ko te tausii fua o te Tulafono. Te alofa e faka-katoatoa ne ia te Tulafono e pela mo te faifaiga ne fai ne te Samalia Alofa. A tokolua kola ne fakaseke kae se fesoasoani ne tino tausii te Tulafono kae e matakua i a laua mana lailai fakatapuakiga i te patele ki te foitino o tino tenei i te mea mafai ko mate. (E tau mo koe o alofa ki te Aliko tou Atua mo tou loto katoa, mo tou agaga katoa, mo tou malosii katoa mo tou mafaufau katoa. Ke alofa ki tou tuakoi e pela loa mo koe ki a koe).

Mea a’koga mō fakamāina ei a te mataupu:

Fakamatala a te Tala e pela mo te Fakatokaga

Fakatomuaga:

Ko oi te tamaliki e masani o alofa ki tena tuakoi? A te tala ka fakalogologo tatou ki ei tamaliki i te Asotapu tenei ko te tala o Iesu mo te tagata o te tulafono tela ne vau o fia fesili tofotofo ki a Iesu. A te fakasokoga o te sautalaga a laua mo te tagata o te tulafono ne fakamatala ne Iesu a te tala fakatusa ki te Samalia alofa.

Akoakoga:

Mai te tala tenei e tamaliki, a Iesu ne feasoani ki te tagata o te tulafono o fakamaina ki ei a te mea e `tau o fai ne ia ke maua ei ne ia a te ola e se gata mai. E lua a mea taua e `tau o fai ne te tagata o te tulafono; ke alofa fakamaoni ki te Atua; kae ke alofa foki mo te fakamaoni ki tena Tuakoi. Ko akoako mai ki a tatou tamaliki a te olaga tela e `tau o ola foki tatou i ei. Ke a`lofa tatou ki te Atua, kae alofa foki ki tou tuakoi. Kafai e fai ne tatou a akoakoga a Iesu, ka maua ei ne tatou te ola e se gata mai. Fakataua i ei e tamaliki, e `tau mo tatou o talitonu mo te fakamaoni ki a Iesu, fakatuanaki ki a ia kae talia a ia ki `tou olaga ke fai a ia mo `tou Fakaola mo `tou Aliko, ko fatoã mafai ei ne tatou o a`lofa tonu ki te Atua mo `tou tuakoi i `tou tafa.

Mea fai a Tamaliki:

Faka koniseta a te tala o te Samalia Alofa

Pese: A new commandment....io me fili mai te tusi pese!!

Fuaiupu Tauloto: Mataio 22:37 Muna Iesu; "E `tau mo koe o alofa ki te Aliko tou Atua mo tou loto katoa, mo tou agaga katoa"

Talosaga:

Te motou Tamana tela i te lagi, fakafetai atu matou mo tou alofa mai ki a matou te fanau se katoatoa i ou mua. Talo atu matou ke akoako mai ne koe ke iloa ne matou o a`lofa ki a koe pela foki ki omotou tuakoi. Talo atu matou i te igoa o Iesu Keliso te motou Aliko fakaola e tokotasi. Amene.

ULUTALA 19: FILIFILI A TE MALO O TE ATUA.

Pogai: Ke fesoasoani ki tamaliki ke mafai ne latou o tautali ki akoakoga a Iesu kae fai olotou filifiliga mô te Malo o te Atua.

Akoakoga: [Kilo ake ki te akoakoga Luka.11:5-13]

Mai te tala ko oti ne fakalogologo tatou ki ei tamaliki, ko faka masaua mai ki a tatou me I te me I te talo e isi sona tau. Kafai e toaga te tin o otalo kit e Atua ka maua ne ia te tau lei, a te akoakoga tuua foki e tamaliki mai te tala, ko te faiga o te talo. A Iesu ne akoako ne ia a ona soko ke moa e faka akoako o talo latou pela mo tino e fia amiotonu, kae ke talo latouki te Atua i se Agaga maualalo kae se ko te fia lavea. Muna a Iesu: Kafai e talo koe, ulu ki loto I tou potu, pono tou mataloa kae talo ki te Atua. Tamaliki, ko te talo foki tela ka mafai ei ne tatou o mafuta kae pili ki te Atua i taimi katoa.

Mea fai a Tamaliki:

Tali a fesili kola e fakatoka ne te faiakoga

Pese: Seek ye first the Kingdom of God io me fili mai te tusi pese!!

Fuaiupu Tauloto: Mataio 6:6 "Kafai e talo koe, ulu ki loto I tou potu, `pono te mataloa; ko fai ei tau talo ki tou Tamana tela e i te koga se lavea; ka ko tou Tamana tela e lavea ne ia koe i te koga se lavea, e avatu foki ne ia te tau kia koe"

Talosaga:

Te Aliko, alofa mai kia matou fanau ke lavea ne matou a te taua o te talo ki omotou olaga tuputupu ake, Amene.

VAEGA 4 – KO TALA FAKATUSA A IESU.

ULUTALA 21: KO TE OLAGA FAKAMAGALO

Pogai:

Ke fesoasoani ki tamaliki ke iloa ne latou o fakamagalo atu ki tino kola e se mai ki a latou.

Tusi Faitau: Luka 15:11-32

Fakatokâga mô Faiakoga:

Te tala o te tamaliki tela ne se ki tona tamana kae ne toe fakamagalogina. E tolu a vaega taua o te tala: muamua, te manakoga o tamaliki ki

Atua mo tena amiotonu, kae ka faopoopogina atu a mea katoa kona kia koutou”

Talosaga:

Te motou Tamana tela i te lagi, ko fakafetai atu matou i te kaiga la tenei, ona ko tou alofa ki a matou. Fakafetai atu mo tala fakatusa a Iesu kola ko lagona ne matou kae ko fia mo auala ka tautali ei matou ki kalafaga a te Alikī, Fakamanuia mai matou i te aso tenei, mo aso katoa o motou olaga, I te igoa o Iesu e kalaga atu ei matou nei. Amene.

ULUTALA 20: KO TE OLAGA KAUSAKI KI TE MALO O TE ATUA.

Pogai: Ke fesoasoani ki tamaliki ke maina i akoakoga a Iesu kae ke fai ne latou i olotou olaga e maua i ei se tauī `lei mai i te Atua.

Tusi Faitau: Luka 11:5-13

Fakatokāga mō Faia’koga:

A Iesu i faitau konei e fakaasi ne ia te taua o te *talo faeloa* ke maua te mea e manako ki ei a tino. Konei a muna taua mo mataupu taua (key words/key concept) kola ne lavea i ei a te fekau tela e taumafai a Iesu o fakaakoako a ona soko ke maina fakalei i ei: Fakamlemole soko ne auala i ei o talia a tena fekau; akai, salasala, tukituki kae ka maua io me tala mai ki a koe.

Te lua o vaega taua o te faipatiga a Iesu (f.11-13) e fakauiga ki te alofa o te Atua tela e sili sala kese loa io me lei atu i te alofa o tou tamana tonu.

Mea a’koga mō fakamāina ei a te mataupu:

- Fakamatala a te taua o te fakamolemole `soko o akai ke maua a te mea e manako koe ki ei.

Fakamaina a te manatu o Iesu e uiga mo te alofa o te Atua mō tatou?

Fakatomuaga:

Ko oi te tamaliki e iloa ne ia o talo A te tala ka fakalogologo tatou ki ei I te Asotapu tenei ko te akoakoga a Iesu ki ona soko e uiga mo te talo . Ne fakaaoga ne Iesu a te tala fakatusa kit e tino tokotasi ne fano ki tena takaga o fakamolemole ke kaitalafu ne falaoa e tolu. A te talo ko te auala e akai atu ei a te tino ki te Atua.

Tusi Faitau: Mataio 13:44

Fakatokāga mō Faia’koga:

A te tala fakatusa a Iesu tenei i te faitau e 44 ne fakavae mai i mea kola ko oti ne tupu i olaga o tino i aso kona. E isi ne koloa ko oti ne maua ne tino i aso kona e tanu i te laukele. A koloa kona e fakauiga ki tupe, aulo, siliva mo fatu taua kola ko toe mea taua e manako ki ei a tino i te olaga nei. E kese loa te fiafia e maua ne tino tela e maua ne ia a kola pena ona ko ia ka maumea kae ka takutakua foki.

Ko fakatusa a te Malo o te lagi ki te koloa ne funa i te laukele, tela ne lasi te fiafia o te tino tela ne maua ne ia kae ne fano o togi ki tua ana mea katoa mo togi te manafa tela e tanu i ei te koloa tena.

Mea a’koga mō fakamāina ei a te mataupu:

- Fakamatala a te mataupu tenei
Fakamaina a te uiga o te koloa

Fakatomuaga:

E isi se tamaliki e iloa ne ia a te uiga o te koloa? Se a a te mea e fakai-goā ki te koloa, kae sea foki a tena taua ki a tatou? A te Tala fakatusa ki te Malo o te lagi e fakatusa ki te koloa tela ne funa i te laukele kae ne sala ne tino ke maua ne latou.

Akoakoga:

E lua akoakoga taua e maua ne tatou mai te tala fakatusa tenei, mua-mua, ko te Malo o te lagi, ko te sua fakamunāga e fakauiga ki te Malo o te Atua tela e avanoa mo so se tino e salasala ke maua ne ia. Lua, ko te taua o te Malo o te Atua, tela e lavea i te olaga finafinau o te tino ne fa-toā maua ne ia a te koloa. Fai mai me ne togi atu ana mea katoa mo togi a te laukele tela ne tanu i ei a te koloa. Mo koulua tamaliki, e `tau ke loto finafinau koulua o salasala ki te Malo o te Atua ke maua ne koulua, ko te koloa taua e se oti, e se palele kae se pala foki, filifili a te Malo o te Atua me e tumau nei ke oko e iloa ki te se gata mai.

Mea fai a Tamaliki:

Tali a fesili fakatoka ne te faiakoga

Pese: Seek ye first the Kingdom of God.....io me filī mai te tusi pese!!

Fuaiupu Tauloto: Mataio 6:33 “Ke mua koutou o `sala te malo o te